

INUIT ATAQATIGIIT

INATSISARTUNI



Nuuk 19. Juni 2012

Inatsisartut suleriaasianni § 37 naapertorlugu matumuuna apeqqutit uku Naalakkersuisu-
nut apeqqutiginiarpakka:

(Naaja Nathanielsen, Inatsisartuni ilaasortaq)

Apeqqutit:

- 1. Naalakkersuisut ilimagaat niuerniarnissamut periusissat 2012 naalernerani naammassineqassasut? Kommunillu soqutiginnillutik suleqataanissaminnut nalu-naarutiginninnipat?**
- 2. Nalunaarusiami erseqqissaassutigineqarpoq Namminersorlutik Oqartussat 2774-nik assigiinngitsunik pisiniartarfeqarmata, taamaakkaluatorli maluginiagassaavoq soorlulusooq taakkunannga arfineq marluinnaat uani nalunaarusiami apersorneqar-simasut. Pisiniarfigineqartartut Namminersorlutik Oqartussat saaffiginnissutaannut akissuteqarsimanngitsut-uku? Imaluunniit pisiniarfigisartakkat taakku arfineq-marluk kisiisa toqqarneqarsimasut? Taamaassimappallu suut tunngavigalugit taakku pisiniarfigisartakkat toqqarneqarsimappat?**
- 3. Naalakkersuisut tunuarsimaarfigaat inatsisiliornissartik, taamaakkaluatorli neqe-rooruteqarnermi maalaarnissamik periarfiissiisoqarnissaa ammaffigineqarpa?**
- 4. Inatsisit naapertorlugit ingerlatsinerua Namminersorlutik Oqartussat neqerooru-teqarnissami paasissutissat danskit oqaasii atorlugit nassiunneqarnissaat piuma-sarippassuk?**
- 5. Naalakkersuinikkut suut eqqarsaatit atorineqakkajuppat niuernialernermi, ingammik eqqarsaatigalugu soorlu akit akikinnerpaajungikkaluartut kisiannili inuiaqatigiinnut iluaqutaanerpaajusut tikinniarlugit pisiniaraanni?**

Tunngavilersuutit:

2011 novemperiugaa Aningaasaqarnermut naalackersuisoqarfik niuerniarnermut periusissamik nassuiaammik saqqummiussivoq. Aallaqqaasiummi Aningaasaqarnermut Naalackersuisoq, Maliina Abelsen naqissusiivoq niuernermi aki appasinnerpaaq tassaa-juaannanngitsoq aki niuernermi pitsaanerpaaq. Taamaattumik pingaaruteqarpoq Namminersorlutik Oqartussat niuertartutut inissisimanagera oqallisigissallugu, nunap aningaasaqarneranut sunniutaasussat eqqarsaatigalugit kiisalu CSR-imut isummat tunngaviusut eqqarsaatigalugit. (Corporate Social Responsibility)

Nalunaarusiami eqqartuisoqarpoq inatsisilioratarsinnaanermik imaluunniit kaajallaasitamik piunasaqaatinik sakkortusaanikkut. Nalunaarusiap inernilerpaa Naalackersuisut pisiniartarnerminni inuiaqatigiit aningaasaqarneranut ilapittuutaanerumik niuertassallutik, taamaakkaluartorli inatsisiliortoqarnissaa orniginartinnagu. Siunissaq eqqarsaatigalugu niuerniarnermi periusissamik 2012 naatinnagu piareersaasoqareernissaa pilersaarusiortoqarpoq, tassanilu kommunit isumaqatigiissuteqarfigisinnaassagaanni ilanngunneqarnissaat pilersaarutaavoq.

Ulluni makkunani apeqquteqqaatip ullut qulit ingerlaneranni akineqarsinnaanera ajornarsinnaassammat apeqquteqqaatip julip 15-ani kingusinnerpaamik akineqarnissaa kissaati-gaara.